

宋

會

要

全唐文

宋會要

杭州府城

紹興二年正月二十七日知臨安府宗輝言車駕駐蹕本府城壁理宜嚴固昨緣雨雪推倒過州城三百七十九丈工力稍大本府關人修築據壕塞官申元發到人兵二百九人欲乞候修內司打併了當退下湖秀等五州役兵盡數撥差併工修築從之紹興二年十月十四日中書門下省言新差權發遣江南西路轉運判官陳橐奏東南諸州自宣和以來皆常稟命於廟繕治城壁歷時既久變或頽圯守臣趣過目前漫不加省乞戒勅諸路郡守遇有頽聞課壯城兵卒以時繕修庶幾用力不

勞而垂利永久亦沮銷姦宄之一端詔劉興諸司帥司
照會紹興三年正月六日權知臨安府梁汝嘉言被旨
令措置朝大門一所不用門樓除置門外有本門牆角
至河亦合修築城牆更置角門一所詔依所乞即不得
別有增添却致繁費紹興十二年十月三日臣僚言大
駕南巡閱歲滋久城壁剝蝕日就摧毀昨見開河之役
悉於旁近州軍量起官兵臨安府昨被指揮置庫因易
收其贏餘以備修城之舉亦幾年矣乞斷而行之專委
近臣為之提綱假以歲月無不成者詔今臨安府措置
申尚書省候農隙和買磚石用壯城兵相兼人夫修
築即不礙官私舍屋委是經久利便從之紹興十三年

五月九日知臨安府盧知原言本府周迴城壁久不修治頽損至多今日錢湖門南冲天觀等並係相近禁衛去處未敢擅便前去相視詔令計會中軍皇城司殿前司前去檢計修葺紹興三十一年四月九日知臨安府趙子瀟言駐蹕之地所係甚重比年以來城壁摧倒嘗委官檢視凡一百四十一段共一千八百餘丈約用物料工役錢二十七貫米七千斛本府財賦有限今歲排辦明堂別無寬餘乞支降錢米仍於三司各差三百人分頭修築詔依奏如所差三司人數役使不足計於附近州軍杜城牢城人內貼差合用錢米令戶部逐旋支給紹興三十二年十一月十三日

孝宗即位未改元

詔尚書戶

部侍郎兼權知臨安府趙子瀟轉一官以修臨安府城
畢工推恩也隆興元年十二月十八日權發遣臨安府
陳輝言本府車駕駐蹕之地其周回禁城因春雨連綿
舊城多圯自德壽宮東及錢湖門北至景靈宮寺等計
三百三十五丈自今年三月二十一日興役至十月二
十七日畢詔本府實具修城官上尚書省第賞之

宮

宋會要

壽康宮

乾道二年十月二十六日禮部太常寺言正至皇帝率百僚詣壽康宮行朝賀禮設黃麾角仗從之四年八月丙戌詔將帥羣臣詣宮上壽既而不克行

宋會要

慈福宮

淳熙十五年八月二日詔修葺皇太后宮五日詔學士院給舍同禮官依典禮擬撰進宮殿名既而給事中兼直學士院李獻權禮部侍郎尤袤起居舍人鄭僑戶部員外郎權太常少卿羅點太常丞張體仁秘書省著作郎兼權禮部郎官倪思太常博士葉適奏恭擬殿名曰慈福詔恭依十六年正月十五日丙午皇太后遷慈福宮

殿

東京

宋會要

講武殿 京都雜錄西京大內保寧門西有隔門門內
面南有講武唐曰文思毬場梁以行從殿為興安殿毬
場後改今名

廣政殿 建隆三年三月齊遣使來貢對廣政殿

含光殿 祥符二年八月西南夷來貢今赴含光殿宴

集英殿 集英殿舊曰元德亦曰廣政晉天福二年改

元德為廣政開寶二年改大明淳化元年二月己酉改

含光祥符八年六月十五日甲子改會慶明道元年十

月甲辰改元和尋改今名春秋誕聖節錫宴此殿熙寧

以後親策進士於此殿殿後有需雲殿舊曰玉華後改

瓊英熙寧初改今名東有紫雲樓宮中觀宴之所也熙寧三年三月八日上御集英殿試進士仁宗大宴集英殿者三十八

太極殿 太平興國三年二月詔改新修諸殿名今太極殿與等名是也

武德殿 京都雜錄西京大內延春殿其次面北曰武德殿後唐白鮮御又曰端明太平興國三年改今名

散甲殿 京都雜錄西京大內東宮後東池門內有飛龍院西有散甲殿梁弓箭庫殿為宣威後改今名

景福殿 京都雜錄東京大內崇政殿後有柱廊側座殿次北景福殿前有水閣舊試貢舉人考官設次於兩

廊

垂拱殿

京都雜錄西京大內次日垂拱殿唐曰延英

太平興國三年改今名

長春殿

京都雜錄西京大內後苑南有長春殿後唐

建名

明福殿

京都雜錄唐曰崇寧勲後唐曰中興晉改今

名

太清殿

京都雜錄西京大內寢殿曰太清第二殿曰

思政第三殿曰延春

廣壽殿

京都雜錄西京大內建禮門之西曰廣壽殿

廣唐曰嘉慶後唐改今名

明德殿 京都雜錄西京大內內東門道其北明德殿
太平興國三年改廣壽第二殿曰明德第三殿曰天和
第四殿曰崇徽

天興殿 西京大內太極殿前有右左龍尾道曰樓月
樓東西橫門曰日華月華殿後有柱廊次天興殿舊曰
太極後殿太平興國三年改今名

嘉慶殿 京都雜錄東京大內禁中殿閣有嘉慶殿平
初明德太后居此殿後徙居萬安宮

延和殿 京都雜錄東京大內延和殿北向依鳴側座
殿仁宗於延殿試宗室子弟書令宗正策其高下宗望
為第一

親稼殿

京都雜錄東京有清華殿親稼殿

萬歲殿

萬歲殿在垂拱殿後祥符七年十月戊午改

名延慶殿

一本作延福殿

祥符五年十月二十六日庚

申以祖祖降臨宣宗室於萬歲殿七年九月庚寅詔輔

臣宗室觀萬歲殿上梁

延慶殿

即萬歲殿祥符七年改今名明道元年十月

甲辰改名延福殿

寶慈殿

京都雜錄京都大內福寧殿西寶慈宮寶慈

如徽二殿皇太后所居

柔儀殿

東京大內福寧殿次後柔儀殿國初但名萬

歲後殿章獻明肅皇太后居之乃名崇徽明道元年十

月改寶慈景佑二年改今名

坤寧殿

京都雜錄東京大內福寧殿後坤寧殿皇后

所居

慶雲殿

京都雜錄東京大內雲慶殿玉京殿清景殿

西涼殿

景祐二年重在天章閣東

慈德殿

京都雜錄東京大內慈德殿章惠太后居初

名寶慶殿景祐四年改今名慈德後苑又有觀稼殿

班瑞殿

北京雜錄仁宗慶歷二年五月升大名府為

北先朝駐蹕行宮正殿以班瑞為名其修葺行宮宇宇

並給官錢毋得科率

鑄麥殿

元豐四年八月籍田司言奉詔種水陸田於

臨安

鑒麥殿前

打麥殿 紹興二年四月二十四日上謂輔臣曰朕聞祖宗時禁中有打麥殿今朕子後園令人引水灌畦種種稻不惟務農重穀示王政所先亦欲知稼穡之艱難也

宋會要 天章閣

紹熙五年閏十月九日天章等閣狀將來安奉今上皇帝落邸旌節兩浙轉運司合行雅飾修換物件并合用朱漆青地金字牌二面一面上題寫太上皇帝落邸旌節一面上題寫今上皇帝落邸旌節所有牌樣製大小乞令兩浙轉運司委官赴閣計會合行換造物件候畢日同時安掛從之十日天章等閣狀勘會已降指揮安穆皇后謚號改成穆皇后安恭皇后謚號改成恭皇后所有內中見崇奉安穆皇后安恭皇后位牌各一座并朱紅漆車子二隻乞行下兩浙轉運司依樣製造

宋會要 降真閣

東都大內次北廣聖宮天聖二年建長寧宮以奉三清玉皇道像後安真宗御容於宮之降真閣景祐二年改廣聖宮

宋會要 延春閣

京都雜錄延春閣在東京大內走馬樓

宋會要 通英閣 延英閣

二閣在崇政殿東西侍臣講讀之所景祐二年正月二十八日癸丑置寫無逸篇於屏三年正月乙巳貢昌朝請輯經建事為一書詔以通英延英

二閤記注為名九月辛卯詔輔臣至通英閣觀講書慶歷四年通英閣出御書十三軸凡三十五事丁度等上答通英聖問一卷

宋會要 勅司

熙寧元年二月十六日大理寺言勅閣以詳斷法官兼監獄專差檢法官二員監之

宋會要 職事閣

淳熙十五年十一月九日給事中兼五學士院兼寶錄院同修撰兼侍讀李燾等言已降指揮編修高宗皇帝御集依典故合建立閣名今議定中尚書省取旨燾等恭設以煥章為名詔恭依令學士院降詔詔曰朕仰惟高宗皇帝恢廣運之德懋中興之功耆定群方鼎新百度制禮作樂治具畢張寢兵指刑仁風大播蓋自緝熙之學見乎經緯之文擴斯道於精微之傳觀衆妙於尊明之養凡敷言之是訓暨肆筆之成書煥有洪輝卓為丕憲方始哀輯將謹寶藏載稽帝世之隆無越堯章之煥因揭名於層宇仍列職於清廟庶克奉承用貽永久其閣恭以煥章為名置學士直學士待制直閣式循故實以待賢才其俾攸司其著于令

宋會要 華文閣

慶元二年八月十三日中書門下省言孝宗皇帝閣以華文為名乞於見
今閣牌煥章字下添入二字以龍圖天章寶文顯謨徽獻數文煥章華文
之閣一十八字為文本閣應行移文字並合添入詔依

宋會要 寶謨閣

嘉泰元年十一月十三日詔曰朕惟昔在光宗日新聖學發於號令雷風
彰鼓舞之神煥乎文章雲漢麗昭回之飾鉤畫凜鸞龍之飛動光芒燦珠
壁以陸離宜有襲藏式嚴安奉龜書闡瑞交輝東壁之珍虹彩凝祥寶上
西清之御寶列藏圖之秘謨斯為命之承冠以美名揭于層宇肅萬靈之
擁護揜羣玉之菁華其閣恭以寶謨為名置學士直學士待制直閣以待
鴻儒以昭燕翼著于甲令副在有司以吏部尚書兼寶謨院修撰兼侍講
表說友等言已降指揮令學士院後省同寶謨院官議定光宗皇帝御集
閣名今恭議定以寶謨為名故有是詔

宋會要

熙寧元年二月十六日大理寺言勅閣以詳斷法官兼監欲專差檢法官
一員監之

宋會要 題謨閣

勅閣
校銷

表
疑
表

學士建中靖國元年置詔如三閣故事序位在寶文閣學士之下直學士
詔序位在寶文閣直學士之下侍制詔序位在寶文閣侍制之下直閣政
和六年置

宋會要儀鳳閣

京都雜錄東京大內儀鳳翔鸞二閣景祐中有瑞竹生閣首

園
玉津園

全唐文

宋會要

玉津園在南薰門外夾道為兩園中引閔河水別流貫之周顯德中置宋朝因之以三班及內侍監領軍校兵隸及主典凡二百六十六人歲時節物進供入內仲夏駕幸觀穫麥錫從臣宴飲及賞賚園官嗇夫有差又進麥穗三百秉麥十斛麵百囊命分賜中外凡契丹朝貢使至皆就園賜射宴又掌泰象及種秫象焚芻蔬蓋漚淀各有歲課凡皇城南諸園池入官者皆屬焉真宗景德元年五月詔京城四面園苑所收麋麋雜草三司籍其數以供用先是三司每歲于畿縣科率收市麋麋

人民輸納極為勞費諸園苑大有收積而官司不籍其數故有是命十一月三司言依謝德權所請廢內園司令逐處自領其事從之天禧元年五月詔四園苑自今不得更將榆柳林地土出掘窠木租賃與人四年四月知京西留府事薛映言皇城諸園苑見有內園司兵士更於州縣差百姓六十餘人灑掃栽種望令並放散歸農如兵士數少即量與增益從之十二月提舉諸司庫務司言玉津等園欲乞自今二年一次科所如有枯朽及倒折合添植柳椿即依數採所從之五年十二月詔諸園苑自今三年一度科所仁宗天聖三年三月臣寮言宜春瓊林苑玉津瑞聖園有殿宇池亭田

土及管下小園池至多全藉幹力使臣監領近年多是
皇親或勢要子弟陳乞勾當不能總領課種修葺是致
園苑荒廢歲課不登乞依劉承珪謝德權奏請四園苑
各差三班使臣一人勾當更不許陳乞詔差洛苑副使
內侍省押班江德明充提點在京四園苑仍每園苑選
差內臣一人勾當不兼別職務及非時差出與兵士五
人當直替日校課升黜之仍令三司本案判官同共提
點每月遍至園苑巡察違犯以聞是月詔三班院自今
差四園苑勾當並須選曾任監押巡檢使臣充九月詔
四園苑自今殿宇牆屋花架損動即申三司立便差人
檢計修葺

五年七月玉津園監官孫可久言養象焚

草逐年府縣和買園苑種蒔甚費錢本及搔擾人民今
玉津園頗有曠土可種約歲_用外別為儲蓄準備闕乏
及斥賣以錢入官充人牛工價從之九月詔自今除後
苑宜聖殿玉宸殿闕園子依舊列抽差外諸處並不得
抽四園苑人充 七年十月詔皇城司自今如抽差後
苑雄武兵士即選新棟到下都少壯親事官能種蒔者
對替 慶厯七年三月詔諸園苑提舉司給印厯籍花
菓林木實數如諸處取移及科斫畫時上厯或有枯死
即隨時依本色添種亦件折入帳收係是月詔京城四
面祀壇一十八座並令四園苑管勾如有摧塌處畫時
修貼壇塹隔上及塹外依時栽種柳榆仍令太常寺提

舉八年三月詔園苑勾當使臣應有改更擘畫並申
提點所不得專達神宗熙寧二年二月十六日詔四
園苑近令選差官提舉更不能隸三司并提舉司仍差
權發遣三司鹽鐵判官張道宗同提舉孝宗淳熙三
年四月十九日詔玉津園人兵有年老難以執役人依
儀鑾司修內司人匠例在司養老作額外人數依舊于
本司厯內批勘請給今後准此十年十二月十五日
樞密院幹辦玉津園張思溫等申本園兵士數多全藉
有心力合千人部轄乞于步軍司選差有職名能部轄
廂軍二人割移名糧充玉津園東西南營典首請給本
園兵士厯內幫勘其見今管營却充各營副典首同共

管幹從之

十三年七月九日玉津園狀手分章藻在

國寶及

紹興補進武尉尉出職

一十九年乞依太一宮佑聖觀等處體例補授

出職

今後手分及

一十五年以上準此

十四年四月

十五日詔玉津園減役兵十人先是玉津園手分二人

兵士一百六人除差五十人赴德壽宮祇應外見在五

十六人於是司農少卿吳燠乞減冗食下勅令所裁定

而有是命

寧宗紹熙元年七月十八日詔玉津園人

兵內長行每年春冬所請折衣等錢自今年冬衣為始

將令請數目並令臨安府全支本府紬絹綿等仍免折

錢與隨廂禁軍日限毋致過期今後準此 慶元五年

二月九日詔玉津園吏額二名諸色人兵照淳熙十四

年裁定人數九十八名外養老七名係是溢額見幫請給且令依舊以為定額日後不許增添以從慶元中外會計錄裁定故也

宋會要

瑞聖園在景陽門外道東初為北園太平興國二年詔名舍芳以三班及內侍監願軍校兵隸及主典凡二百一十二人大中祥符三年監官王承勛言初泰山天書至都奉安于此乞加崇飭詔改今名九月朔丙歲時節物進供入內孟秋駕幸有歛穀實錫從臣宴飲賞賚園官子朔普夫有差凡皇城諸園池入官者皆屬焉

亭

全唐文

宋會要

無雲亭

有無雲亭在汴

全唐文

宋會要 建觀亭

宋亭名在汴

宋會要

此亭係查

泛羽亭在汴梁

宋會要 婆羅亭

紉將亭
移此

京都雜錄西京大內長春殿有柱廊後殿以西即十字
池亭其南砌臺水井婆羅亭貯奇石處世傳是李德裕
醒酒石以水沃之有林木自然之狀謂之婆羅石故以
名亭

源清亭

泰定為元

代年諱疑

嘉定之誤

歸崎亭

移前

瑤津亭

全唐文

宋會要

泰定四年同李漢傑新初亭於州之鼓角樓城門外扁曰源清以壯觀州治

宋會要

有亭名綠漪

宋會要

京都雜錄東京太內有瑤津亭像瀛山池

此條移外
苑後

苑

宋會要 後苑

淳熙十六年九月九日後苑言人吏舊以二十人為額
緣節次裁減止有一十人又於內差撥四人過重華宮
祇應委是闕人詔特與添入額貼書一名守開禧書名作一十二
人為額其他官司不許援例

宋會要 瓊林苑

瓊林苑在順天門外道南太祖乾德二年置興國中鑿金明池於
苑以三班及內侍監領池苑兵校軍隸及主典三百三
十三人歲時節物進入每歲駕幸金明池則并至苑中
上已重陽唯中書密院或宗室及殿前諸司選勝賜宴
遇放榜進士聞喜宴于此凡皇城司園池入官者皆隸

馬 太宗太平興國七年十月十日幸瓊林苑 雍熙
四年四月幸金明池觀水嬉遂習射瓊林苑 淳化三
年三月二十二日宴瓊林苑作詩 真宗景德三年八
宗室宴射瓊林苑 神宗元豐七年三月二日太師潞
公西歸詔宰相執政官三省近臣學士待制宴餞于瓊
林苑

宋會要外苑

祥符五年四月詔以諸國所貢獅子馴象奇獸列於外
苑諭羣臣就苑中游宴淳化五年二月癸卯南海商人
獻吉具布盡海外蠻國及猩猩圖玉帶上於此苑召近
臣觀之

堂

全唐文

宋會要

張如平

在開封府解東真

宗

尹京府日太宗命創射堂習射

宋

淳化五年九月壬辰以皇子襄王行祥符三年實訓作

閏二月二十四日丁卯上幸開封府射堂晏射謂從臣

曰朕昔尹京兆先帝為創此室俾之習射周覽久之多

所感慕又至堂閱太宗御書圖畫數十軸遂宴射於射

堂上作七言詩從臣畢賦

上中的者七

戊辰制曰昔東漢之

隆過宛陵之故第正觀之盛臨慶善之舊宮所以申愷

樂之私宣優裕之澤朕頃在儲邸獲尹神京用脩相國

之儀遐擬宣猷之地知樞密院事王欽若上駕幸舊邸

七言三十一一作韻詩上作歌以答仍詔褒之申成詔曰

朕頃在儲闈允釐京邑仰承訓導幸底密寧爰就公庭
載營完址俾因聽訟之暇用為習射之儀入纂邦基載
移星律乘青陽之布令擁法從以來臨感慶兼深惠眷
胥洽式徇宰司之議易茲題榜之名庶增煥于黃圖永
流芳於元一作圖其開封府舊射堂宜名曰繼照堂是
日設帝張樂許士庶遊觀三日經溫其進初營是堂西
有井將塞之上曰必有神龍潛蟄命覆巨石未幾果有
龍躍出至是八一作使張文遼叙其事祥符六年八月丙
寅繼照堂芝草生上作歌賜近臣天聖二年八月己卯
幸繼照堂景祐元年正月庚寅改為繼聖堂

宋會要 貢善堂

堂在元符觀南太中祥符八年置

宋史地理志在開封府大內宣祐門東廊

次北景德建康志行宮
資善堂在學士院之右

宋會要 資善堂

天禧二年八月以給事中叅知政事李迪為太子賓客
以右諫議大夫樂黃自為給事中兼左庶子昇王府諮
議叅軍吏部郎中直昭文館張士遜為右諫議大夫兼
右庶子昇王府諮議叅軍禮部郎中直史館崔遵度為
吏部郎中直史館兼左諭德昇王府記室叅軍左正言
直史館晏殊為戶部員外郎直史館兼舍人賜金紫右
正言魯象受為戶部員外郎兼右諭德賜紫兼資善
堂都監左藏庫使長州刺史入內押班周懷政為左驛
驛使入內副都知兼管勾左右春坊事內殿崇班資善
堂祇候楊懷玉為內殿承制皇太子宮祇候九月丁卯

天安殿冊太子三年九月丙子賜元良述六藝歲承華

要畧玉海四年從御所亦在馬十月已卯資善堂上梁門

是歲正月十七日太子曾宮僚觀之四年十月以太子太保王欽若為

資政殿大學士令日赴資善堂侍講欽若罷相為宮保

不當侍宮筵特陳乞而從之玉海十一月庚午御札中

子就資善堂會議士申輔臣見皇太子於堂十二月九

日乙酉詔使日承明殿不視事中書樞密院詣資善堂

禧元年乙未太子會師博官僚於是堂賜教坊樂先是天

政殿大學士日赴資善堂侍講若為資閏十二月命入內

內侍省副都知鄧守恩同勾當資善堂兼太子左春坊

五年三月宰臣丁謂等請自今魚太子師傅十日一赴

資善堂賓客已下集日更互陪侍講學從之四月以內

殿崇班雷允恭為皇太子宫都監同勾當資善堂左右

春坊司十一日戊午以皇太子生辰宴輔臣東宮官於

資善堂王海五月癸未詔皇太子讀春秋輔臣奏曰臣

不港寫字有筆法上喜宋史馬拯乾興元年進封

國公建司空兼侍中輔臣會食資善堂召議事丁謂獨

不預謂知得罪願求請錢惟演遠曰仁宗寶元二年三

月二十三日癸丑詔天章閣侍講賈昌朝王宗道於是

堂編排書籍教授內臣以編修為名昌朝乞差趙希言

楊安國同共編排從之四月戊辰命趙希言楊安國編

排癸未罷之康定元年十一月三日詔樞密院都承

旨左屯衛將軍王元祐領趙州刺史與側近差遣以自

陳歷事三朝嘗經資善堂祇應也皇祐元年七月壬

子帝幸資善堂作詩有曰疇日學堂親政第仰懷慈訓
倍依依之句說書所寓資善堂慶厯初改為講筵所
至和二年三月宴餞知徐州呂溱於是堂治平四年五
月餞李東之十月乙卯餞李受命侍臣賦詩時謂遠過
二疏神宗元豐八年十二月二日詔今月十五日開
講論語讀寶訓講讀官日赴資善堂以雙日講讀仍輪
一員宿直初講及更旬宰相執政並赴十五日初御通
英閣召三省樞密院侍講侍讀修注官講讀錫宴於資
善堂賚銀帛有差哲宗元祐元年三月十六日詔講
讀官吏不輪資善堂宿直六年詔史院寫通英延義記
注送資善堂徽宗政和元年二月二日詔三月二十

七日定王柏嘉王楷出就資善堂聽讀三月二十八日
詔宰臣執政官許就資善堂見定王嘉王王至中門外
迎揖升堂就坐王西嚮宰相執政東嚮退王揖送於大
門內二年九月二十九日詔皇子到堂聽讀特許講官
時暫到堂參見時侍讀鄭居中講筵奏事嘗面被旨也
五年二月十八日定王柏言臣已依詔旨於二月七日
出閣過府訖臣昨就資善堂聽讀尋常須候通英經筵
已開方取旨定日恭惟聖學高妙羣臣莫及躬御經筵
但欲通承祖宗故事非待儒臣講說修輔肅明如臣之
愚正當力學不可曠日豈應擬視經筵兼臣問安視膳
之外還過府第綽有餘暇况不同往日深在禁嚴出入

不敢自便今欲乞聖慈許令每日不拘早晚但稍有間隙即請學官赴廳講讀所貴為學日益有以副聖慈眷撫之意從之二十三日詔皇子建安郡王振文安郡王杞今春出資善堂聽其管勾官比附定王嘉王聽讀例施行十年四月十二日詔皇子安康郡王相出就資善堂聽讀可特欽此推恩本閣祇候使臣管勾所手分各轉一官白身人補副尉祇應人各轉一員並依舊祇應

宣和元年四月十三日中書省言檢會皇子吳國公出就外傳令太史局選日詔資善堂舊所宅各置直講翊善贊讀一員以給事中陸藻為鄴王肅王景王翊善給事中葛次仲兼直講中書舍人張勸兼贊讀國子司

業梅執禮兼安康郡王濟陽郡王廣平郡王鎮國公吳國公翊善禮部員外郎王綱兼直講祕書省校書郎胡松年兼贊講五年正月七日以尚書吏部侍郎盧益兼資善堂翊善七年二月十九日以朝請郎直祕閣管勾萬壽觀許中兼資善堂翊善三月二十六日符寶郎李質兼資善堂直講五月十一日尚書右丞宇文粹中奏臣昨乞罷第時中資善堂贊讀乞依去年御筆指揮與一外任差遣詔依所乞與郎二十一日符寶郎李質奉敕差兼資善堂直講伏見贊讀字文時中緣係執政之弟已陳乞罷免今來曾妻父張邦昌任中書侍郎伏望許令罷免詔依所乞今後差從官六月二日以刑部尚

書蔣猷兼資善堂翊善給事中吳玠兼資善堂贊讀中書舍人譚世勸兼資善堂直講 欽宗靖康元年五月

十一日詔皇太子以六月七日出就外傅仍就資善堂

置學舍全國子監供監書高宗建炎三年四月罷紹興

五年五月復置本堂係掌管皇子國公聽讀提舉官幹

辦官各一員以內侍官充手分二人宋史地理志建炎三年閏八月高宗

自建康如臨安以州治為行宮宮室制度皆從簡省不尚華飾垂拱大慶文德崇宏祥曦集英六殿隨事易名

講筵所資善堂在行宮門內因書院而作紹興五年五月八日辛巳詔擇日

除防禦使伯為節度使封國公出就資善堂聽讀元先是

四月戊申以政和改輔臣奏事趙鼎曰昨日得旨見臣

退而與孟庾沈興求商量皆仰贊陛下為宗廟社稷大

慮謹令有司卜今日二十六日吉上曰可與求曰此盛
德之事也上曰朕年二十九未有子然國朝自有仁宗
故事藝祖初業其勤至矣朕取子行下子鞠於宮中復
加除拜庶幾仰慰在天之靈初張浚未出使也上嘗以
語鼎浚庚與求曰此子天資特異在宮中儼如成人朕
自教之讀書極強記鼎先得旨於行宮內造書院屋一
區欲令就學有司以圖未上凡建屋十六間從約也至
是書院成上曰只以書院便為資善堂俟除授訖命儒
臣為直講翊善悉如故事二十三日詔已建資善堂提
點官差主管講筵所邵諤幹辦官差詹思殷祇候使臣
李中立二十六日已亥以貴州防禦使為保慶軍節度

使封建國公詔左朝奉大夫徽猷閣待制提舉建隆觀
兼史館修撰兼侍講范冲兼資善堂誦善左承議郎守
起居郎兼侍講朱震兼資善堂贊讀上親筆付出朝論
以為極天下之選二十九日詔建國公關差主營文字
詞臣一名掌章表使臣一名直省官二人視筭下班祇
應二人手分一名進奏官一名楷書一名輦官六人翰
林司厨子八内院子各二人擇龍親事官六人儀衛司
一名六月一日詔今日七月建國公出就資善堂聽讀
五日宰臣趙鼎等奏建國公初七日出資善堂臣等考
故事當謁見上曰朕令國公至資善堂見范冲朱震當
設拜蓋尊師重傅不得如此卿等既欲循故事可往

一見七日詔資善堂差置手分二人於無違礙官司指
差每月請給並依翰林醫官局後行見請則例支破到
堂實及十年與補進武副尉今後有關依此施行七月
七日中書門下省言昨蕃衍宅贊讀等官各廳合破書
奏楷書一名并當直承送親事官十人今來資善堂朔
善贊讀各依上件體例施行從之六年九月二十一日
詔建國公瑗出閣聽讀孟子終篇本閣并資善堂官吏
諸色人並各與轉一官資內未有名目人候有名目日
收使十一月三日資善堂言近詔建國公閣并資善堂
官吏諸色人並各與轉一官資契勘楷書李愿茶酒班
祇應魏宗道伴讀書寫文字使喚宣力頗多内李愿係

白身將來別無補授恩例欲乞特與一名目魏宗道更
乞優與推恩其餘祇應人吏即無似此可以援例之人
詔李愿許用轉一官恩例特與補進義副尉魏宗道更
與減三年磨勘七年十二月十一日詔建國公瑗聽讀
尚書終篇翊善朱震贊讀蘇符各與轉一官八年三月
九日詔建國公瑗聽讀尚書終篇本閣并資善堂官吏
翊善贊讀下人吏各與減二年磨勘內無官人吏各支
賜錢十五貫其餘諸色人內將校支賜錢十貫節級五
貫並令戶部支給見錢八月六日詔朱震久任資善贊
翊有功除依條與致仕遺表恩澤外特更與一資恩澤
九年三月十四日詔崇國公璘出赴資善堂聽讀其

請俸給賜等應合行事件並依建國公已得指揮體例
施行六月十九日詔聽讀孟子終篇學官等可依建國
公孟子終篇例推恩本閭并資善堂官吏諸色人各與
一轉官資內未有各目人候有各目日收使合寄資人
依舊寄資十年三月十三日詔聽讀尚書終篇本閭并
資善堂官吏醫官朔善提點資善堂下人吏各與減二
年磨勘內無官人吏并進奏官各支賜錢十五貫其餘
諸色人并校支錢十貫節級長行朔善下親事官五貫
並令戶部支給見錢十一年七月十五日詔聽讀周易
毛詩終篇學官等可依建國公周易毛詩終篇例推恩
內副尉與依使臣法比折收使餘各色不同人比附施

行 十二年三月六日詔左朝奉郎試給事中兼侍講
兼權直學士院程克俊除資善堂翊善左朝奉郎試祕
書少監兼崇政殿說書秦梓除資善堂贊讀七日詔樞
密院編修官趙衛大理司直錢周材除普安郡王府教
授十四日詔普安郡王府教授並依諸王宮大小學教
授體例施行先是諸王宮大小學言諸王宮大小學教
授請給人從並依太常博士則例序位立班在國子博
士之上及本學印記係下文思院鑄以紹興諸王宮學
朱記八字為文其行移文字內六曹寺監太宗正司並
用申狀其餘諸司務並用關牒學官遇有合批書事件
申所隸宗正司詩批書以新除普安郡王府教授錢周材

趙衛申明體例故有是詔十七日詔普安郡王府差下
班祇應喬虞卿進義副尉任叔獻代客司祇應今有關
亦許指差有各目人充填宅案司日支有名目人充填
宅案司日支食錢伍伯文書表司客司日支食錢四伯
文有名目充代并白身人並依此支破輦官儀鸞司厨
子與帶行見請步軍司兵士與支破月糧諸般合得請
給外日支口食米一升並割移名糧就本府幫勘其一
行請給並自祇應日為始支破四月四日詔秦梓兼資
善堂翊善十三年四月十七日祕書省著作佐郎兼普
安郡王教授錢周材趙衛言講授普安郡王毛詩已終
篇合接續別講經書詔令講授禮記閏四月三日詔普

安郡王瑗講授毛詩終篇本府官吏並與減二年磨勘
十四年十月六日詔聽讀禮記文選終篇本閣并資善
堂官吏諸色人學官下班祇應並依普安郡王聽讀文
選終篇例推恩十八年二月十二日詔聽讀春秋左氏
傳終篇本府并教授官吏各與減二年磨勘二十一年
三月六日詔太常博士丁夔明差兼普安郡王瑗恩平
郡王瑑府教授宋史寧宗本紀嘉泰元年二月壬辰開資善堂慶元六年四月
十五日宰執進呈蕭達鑿願正並兼資善堂小學教授
京鏜奏聖嗣未艾不妨自為此舉願更擇一人伴讀上
曰然當更相度不可容易九月二十九日詔資善堂小
學主管官可就差幹辦御藥兼提點資善堂張延禮手

分入內院子把門親事官並就見今資善堂人相兼祇
應教授下共差破當直承送親事官四人十一月九日
詔宗子與愿可改名曦特除觀察使令就資善堂授書
資善堂申乞皇城司差取親事官二人充本堂庫子掌
管書籍什物等分差宿直實占祇應翰林司差人兵二
人充本堂看管火燭及供應茶湯分番宿直實占祇應
一儀鸞司差取工匠二人充本堂釘設分班宿直實占
祇應一所有三司差到人兵共六人每月添支茶湯錢
依現今資善堂看管院司則例支破每月于左藏庫止
添支錢一貫文
並從之嘉泰元年二月二十二日詔資善堂小學教授
蕭達叟願正今後許令乘騎入出和寧門至北宮門外

卷一百一十五

下馬赴堂供職今後準此仍於殿前司差撥鞍馬并草料控攏軍兵十三日詔資善堂小學教授如遇輪堂赴堂授書日分所有應干期集先行趲赴十二月秘書郎婁機資善堂小學教授二年二月初書郎張嗣古兼資善堂小學教授閏十二月十五日詔宗子興諱特補右內率府副率充資善堂伴讀四年七月初書省著作佐郎鄒應龍兼資善堂小學教授開禧元年七月陞兼直講八月初書郎黃中兼資善堂小學教授開禧元年五月二十七日臣僚言臣聞漢賈誼論三代有道之長而秦無道之暴其原皆本于教子則知教子者帝王之急務也天祐邦家皇子端重聰哲聞于內外今者冠禮既

成正皇嗣之位啓王爵之封則所謂小學教授之名固當更改至于翊贊之官比前之日尤加重焉如更添置一二員得真賢實能以居之庶幾不負明時使令之意欲望聖慈與大臣議之更正官名妙簡精擇端亮之士取學術粹而器識明者俾之從容朱邱贊助緝熙增廣聞見有如皇朝官制兵制與夫民政邊事之類亦如橫帙之暇併與講明足以裨益萬一檢照嘉祐典故有以皇子位說書爲官稱者今來更合取自聖裁或下有司討論施行從之開禧元年七月太常博士張聲道兼資善堂說書七月軍器監趙夢極兼資善堂贊讀二年三月起居郎史彌遠兼資善堂直講三年三月以禮部侍

郎兼翊善五月樞密院編修官王益祥兼資善堂說書
七月初書丞黃疇若兼資善堂說書三年四月兵部員
外郎戴溪兼資善堂說書淳祐七年正月詔就內小學
建資善堂置贊讀直講俾暫於藩房訓習以其年未可
出就外傳也景定東宮講堂名新益

宋會要 都堂

國初典禮之事當集議者皆先下詔都省吏以告當議
之官悉集都堂設左右丞座於堂之東北南向御史中
丞於堂之西北南向尚書侍郎於堂之東廂西向兩省
侍郎常侍給事諫舍於堂之西廂東向知名表郎官於
堂之東南北向監議御史於堂之西南北向又設左右

司郎中員外於左右丞之後三院御史於中丞之後郎
中員外於尚書侍郎之後起居司諫正言於諫舍之後
如有僕射御史大夫即座於左右丞中丞之前如更集
它官即諸司三品於侍郎之南東宮一品於尚書之前
武班二品於諫舍之南皆重行異位卑者先就席以官
高者為表首祥符四年五月一日詔曰文昌揆路師長
百僚自今宰相官至僕射者並於中書都堂赴上不帶
平章事者亦本省赴上今太常禮院崇文院詳定儀注
明年二月禮院上儀注至和二年七月九日詔宰相召
自外者百官班迎之自內拜者聽行上事儀文富八相
然亦辭之
元豐五年五月九日詔新除左右僕射赴尚書省行禮

射堂

上儀建炎四年五月二十日詔侍從臺諫官並赴都堂議

宋會要

淳熙二年夏始創射堂為游藝之所園中有紫觀玉淵清賞等堂鳳樓皆燕息之地

景定東宮堂名凝華

全唐文

宋會要 東京高

門

京都雜錄東京大內南中三門中曰宣德梁初曰建國
後改咸安晉初曰顯德又改明德太平興國三年七月
改乾元大中祥符八年六月改正陽景祐元年正月改
宣德政和八年十月六日改為太極之樓重和元年正
月復今名

宋會要

京都雜錄東京大內文德殿庭東南隅有鼓樓其下漏
室西南隅鍾樓殿兩挾有左右掖門又云乾德六年正
月賜名

宋會要

京都雜錄東京大內東一門曰東華梁曰寬仁開寶四年改曰東華門

宋會要

京都雜錄東京大內西一門曰西華門梁曰神獸開寶四年改今名

宋會要

京都雜錄東京大內北一門曰拱宸梁曰厚載後改玄武大中祥符五年十一月又改玄武為拱宸又云西京宮城北門

宋會要

京都雜錄東京大內宣德門內正南門曰大慶梁曰元
化宋朝常隨正殿名改

宋會要

京都雜錄西京大內次北曰乾元門唐曰千福乾化後
改乾元門

宋會要

京都雜錄東京大內右升龍西北偏曰端禮門凡三門
各列戟二十四支熙寧十年八月賜名又云熙寧十年
改文德殿南門曰端禮門

宋會要

文德門在端禮門內

宋會要

京都雜錄東京大內文德殿次北門曰左右銀臺大慶殿後東西道其北門曰宣祐舊曰天光大中祥符八年六月改大寧明道元年十月改曰宣祐門

宋會要

京都雜錄大中祥符七年賜真遊殿西門曰延真門

宋會要

東京昇平樓次西曰安樂門

宋會要

京都雜錄東京安樂門門外西北曰景暉門天喜五年

三月賜名

宋會要

京都雜錄東京昇平樓東曰舍和門熙寧十年八月賜名又云改安樂門曰舍和門在垂訓殿後

宋會要

京都雜錄東京講筵所次北引見門次北通極門熙寧十年八月賜名又云改崇政殿北橫門曰通極門

宋會要

西華門次北有引見門

宋會要

京都雜錄東京講筵所次北臨華門熙寧十年八月賜名又云改拱宸門裏西橫門曰臨華門

宋會要

京都雜錄東京講筵所西廊次北內東門有廊柱與御厨相直門內有小殿即召學士之所又云西京廣壽殿後隔舍即內東門道其北明德殿又云西京建禮門北東廊曰內東門

宋會要

京都雜錄東京大內西華門內次西曰右承天門乾德六年正月賜名

宋會要

京都雜錄東京大內大慶殿東西兩廊門曰左右太和梁曰金烏玉兔國初改日華月華大中祥符八年六月

改今名

宋會要

左右日精門在大慶左右

宋會要

京都雜錄東京福寧殿東西門曰左右昭慶大中祥符七年賜名

宋會要

京都雜錄東京大內文德殿內正南門曰左右長慶乾德六年正月賜名曰左右長慶門

宋會要

京都雜錄東京大內文德殿次北門曰左右嘉肅熙寧

十年八月賜名

宋會要

京都雜錄東京大內文德殿東西兩廊門曰左右嘉福
舊名左右勤政明道元年十月改左右嘉福門

宋會要

京都雜錄西京大內其北左銀臺門唐曰左章善梁改
左右銀臺

宋會要

京都雜錄大極殿門外東西橫門曰左右永泰門隋曰
東西華唐曰左右延福後改左右永泰門

宋會要

京都雜錄東京文德殿門西紫宸殿門殿門皆兩重名
隨殿易其中隔門遇雨雪羣臣朝其上

宋會要

京都雜錄東京紫宸殿次西曰垂拱殿門門有柱廊接
文德殿後其東北角門子通紫宸殿每日樞密使以下
立班殿庭候傳宣不座即過赴垂拱殿起居每門內東
西廊設二府親王三司開封府學士至待制正刺史以
上候班幕次

宋會要

東京崇政殿門在大內皇城宣祐門次北又云在通極
門南東向

宋會要

東京垂拱殿次西曰集英殿門又云在皇儀門西

宋會要

大內皇城垂拱殿門次西曰皇儀殿門

宋會要

京都雜錄東京大內文德殿庭東南隅有鼓樓其下漏室西南隅有鐘樓殿兩挾有東上西上閣門

宋會要

京都雜錄東京元符觀直北東向有謬門舊無榜熙寧十年始標額又云改東華門曰北謬門

宋會要

西京大內

京都雜錄西京皇城南面三門中曰端門北對五鳳樓南對定鼎門

宋會要

京都雜錄西京大內東面一門曰蒼龍門隋唐曰重光後改曰蒼龍門

宋會要

京都雜錄西京大內西面一門曰金虎隋曰寶成唐曰嘉豫後改金虎門

宋會要

京都雜錄西京大內門西北曰鑾和太平興國三年以車輅院門改今名鑾和門

宋會要

京都雜錄西京大內蒼門之正西有東隔門次西曰膺福門唐曰含章後改膺福門

宋會要

京都雜錄西京大內次西接通天門柱廊金虎門之正東有西隔門次東曰千秋門唐曰金鑾後改千秋門

宋會要

京都雜錄西京大內天和殿其次崇徽廣壽殿門之西曰明福門其北廊接通天門

宋會要

京都雜錄西京大內次西橫門曰永福門後唐之名

宋會要

京都雜錄西京大內垂拱殿後有通天門復有柱廊門

宋會要

京都雜錄西京大內次北曰教政門唐曰武成宣政後改教政門

宋會要

京都雜錄西京大內太極殿門之西面南曰應天門唐曰教政光範後改應天門

宋會要

京都雜錄西京大內五鳳樓內正南內太極殿門隋曰永泰唐曰通天乾元太平興國三年名太極門景德四

年改令名太極門門東西各有門唐初曰萬春千秋今
無榜

宋會要

京都雜錄西京皇城東面二門南曰賓耀隋曰東太陽
唐曰東明後改今名

宋會要

京都雜錄西京皇城西面二門南曰金耀隋曰西太陽
後改今名又云即唐宣耀

宋會要

京都雜錄西京皇城東面二門北曰啓明西對宮城之
蒼龍門

宋會要

京都雜錄西京皇城南面二門北曰乾通東對宮城之
金虎門

宋會要

京都雜錄西京皇城西外挾城東二門南曰麗景東對
金耀門

宋會要

京都雜錄西京皇城西面二門北曰開化東對乾通門
宋會要

京都雜錄西京皇城外挾城北面一門曰應福五代以
來曰甲馬門蓋諸班直宿其內

宋會要

京都雜錄西京皇城外次北右軍一門在光政門之西
門內皆班院及御園

宋會要

京都雜錄西京大內其南有內園門在含光殿門之西

宋會要

京都雜錄西京大內散甲殿後柱廊有後殿其北相對
有夾道門在拱宸門內

宋會要

西京左銀臺門相對後門在東池門之內東池門內有
飛龍院

宋會要

京都雜錄西京大內後門北對建禮門

宋會要

西京建禮門在天興殿後南對五鳳樓有隔門

宋會要

西京天福門天福殿門也在明福門內

或作大福

宋會要

金鷲門金鷲殿門也在明福門內

宋會要

含光門含光殿門也在金鷲門西

宋會要

廣壽門廣壽殿門也在建禮門西

宋會要

京都雜錄西京大內興教門內曰左安禮門隋唐曰會

昌

宋會要

西京光政門內西偏右安禮門隋唐曰景運後改今名

宋會要

京都雜錄西京大內左安禮門北曰左興善門唐曰左

銀臺梁改左興善門

宋會要

京都雜錄西京大內右安禮門北曰右興善門唐曰右

北京

銀臺梁改右興善門

宋會要

北京雜錄仁宗慶曆二年七月以北京真宗駐蹕行宮中門為順豫門

宋會要

東京宣和門在延和殿西北祥符七年建名宣和明道元年改開曜十一月改迎陽俗號苑東門

門

青城

全唐文

宋會要

熙寧七年九月二十四日戊申中書門下言準詔參定
 南郊青城內殿宇門名請大內門曰恭禋東偏門曰承
 和西偏門曰迎禧正東門曰祥曦正西門曰景曜後三
 門曰拱極內門裏東側門曰黃明西側門曰肅成大殿
 門曰端誠大殿曰端誠殿前東西門曰左右嘉德便殿
 曰熙成園門曰寶華詔並依先時青城殿宇門名每郊
 定式學士院十一月二十五日親詔徹黃道不御小次
 更不換進
 十年七月八日詔南郊青城寢殿後至寶華門裏御道
 更不用華磚砌以有司計花磚萬餘口役工三千故特

罷之

嘉慶十四年八月十七日

宋會要

東京雜錄神宗元豐六年五月刑部言切聞京城諸門或不以時啟閉公私或以廢事欲新城門並以日初出入時為準委開封府檢察從之

京都雜錄東京新城南五門次曰廣利惠民河水門太平興國四年九月賜名廣利門

宋會要

京都雜錄東京新城東五門南曰上善汴河東水門太平興國四年九月賜名上善門

宋會要

京都雜錄東京新城東五門次北曰善利廣濟河水門太平興國四年九月賜名咸通天聖初改曰善利門

宋會要

京都雜錄東京新城東五門次北曰含輝周曰含輝太平興國四年九月改寅賓後復今名曰含輝門

宋會要

京都雜錄東京新城東五門次北曰朝陽周曰延春太平興國四年九月改曰朝陽門

宋會要

京都雜錄東京新城西六門次北曰金輝雜周曰肅政太平興國四年九月改曰金輝門

宋會要

京都雜錄東京新城西六門南曰順天周曰迎秋太平興國四年九月改曰順天門

宋會要

京都雜錄東京新城西六門次北曰宣澤汴河北門熙

寧十年賜名宣澤門

宋會要

京都雜錄東京新城西六門次北曰大通汴河南水門
太平興國四年九月賜名大通天聖初改順濟後復今
名

宋會要

京都雜錄東京新城西六門次北曰咸豐廣濟河西水
門太平興國四年九月賜名咸豐門

宋會要

京都雜錄東京新城西六門次北曰開遠太平興國四
年賜名通遠天聖初改曰開遠門

宋會要

京都雜錄東京新城北五門中曰通天周曰元德太平
興國四年九月改曰通天天聖初改寧德後復召通天
門

宋會要

京都雜錄東京新城北五門次東曰景陽周曰長景太
平興國四年九月賜名曰景陽門

宋會要

京都雜錄東京新城北五門次東曰永泰周曰愛景太
平興國四年九月改曰永泰門

宋會要

京都雜錄東京新城北五門次西曰安肅國初號衛州門太平興國四年九月賜名安肅門

宋會要

京都雜錄東京新城北五門次西曰永順廣濟河南水門熙寧十年賜名

宋會要

京都雜錄西京東城東面一門曰宣仁東對上東門

宋會要

京都雜錄西京東城南面一門曰承福今為洛陽監前門

宋會要

京都雜錄西京東城北面一門曰含嘉今不復有門構
宋會要

京都雜錄西京城南三門中曰定鼎東曰長夏西曰厚
載

宋會要

厚載門西京城南西門也

宋會要

京都雜錄西京城東三門中曰羅門南曰建春北曰上
東

宋會要

建春門西京城東南門

南京

宋會要

上東門西京城東北門

宋會要

京都雜錄西京城北二門東曰安喜西曰徽安

宋會要

南京雜錄真宗大中祥符七年二月詔名南京門曰崇禮門

宋會要

南京雜錄真宗大中祥符七年二月詔名南京雙門曰祥輝

宋會要

南京雜錄真宗大中祥符七年二月詔名南京外西門
曰迴鑾

宋會要

南京雜錄真宗大中祥符七年二月詔名南京大東門
曰昭仁

宋會要

南京雜錄真宗大中祥符七年二月詔名南京小東門
曰延和

宋會要

南京雜錄真宗大中祥符七年二月詔名南京小西門
曰順成

宋會要

南京雜錄真宗大中祥符七年二月詔名南京北門曰靖安

宋會要

南京雜錄真宗大中祥符七年二月詔名南京新闢門曰承慶

坊

全唐文

宋會要

左右天廐坊

雍熙二年十月置咸平元年併比務入遂分左右二坊
真宗景德二年二月以鄭州養馬務病馬於京城置坊
養飼之 神宗熙寧三年三月六日詔以左右天駟四
監併作左右天駟兩監 八年二月十一日詔權廢罷
左右天廐坊 八年三月詔牧養監裁減兵員其將校
委步軍司比類軍分移隸兵士依廢左右天廐坊例施
行從羣牧司所請也

宋會要

駝坊

在天廐坊西掌牧養橐駝以供內外負載之用開寶二

年置監官二人以三班及內侍充兵校六百八十二人

神宗熙寧八年四月十九日詔駝坊每歲輪差監官

往石州界都大提舉管司放牧並降宣命今後只仰本

司依條例指揮以上國朝會要續會要附高宗建炎三

年四月十三日詔駝坊官吏減半紹興二十四年五

月七日詔駝坊依已降指揮招刺拘收一百人通作

四百人為額二十九年九月四日詔駝坊監官三員

減內侍一員省罷一員人吏二名獸醫二名各減一名

副尉將校五人減三人兵級三百四人內曹司二名減

一名節級六人把門八人打火八人各減四人養象九

十人並存留養驪子駱駝一百九十人並減其所減將

校兵級並發歸步軍司差使拜充填崔募使喚 以上
中興會要 孝宗隆興二年八月二十六日兵部言馳
坊自來應奉郊祀大駕鹵簿儀仗前合用大象六頭准
脩象一頭監官三員專典三人人員二人曹司一名教
頭六人簇象兵士四十九人駕部職級手分三人應有
合行事件依紹興二十八年已行體例今來減損大象
一頭准備象一頭監官一員人員一員曹司教頭各一
人簇象兵士二十七人駕部職級手分三人詔從之內
駕部止差人吏二名乾道六年閏五月十四日駝坊言
大禮應奉家掛搭蓮花座法物頭帽衣帶之屬合行申
明下所屬排辦從之 八年七月十三日駝坊言見管

馴養牙象二頭皆口齒高大恐有不測誤大禮應奉乞
令廣南西路經畧安撫司速行計置收買齒嫩馴熟雄
良牙象一十頭限大禮前到從之 九年十二月二十
八日兵部言駝坊人兵元額一百三人見闕三十三人
今來安南入貢大象一十五頭乞將見闕人數先次招
收執役庶新到坊皆曉養餵從之

宋會要

內酒坊

在內城外西北隅掌造法糯糯酒常料三等以供邦國
之用初有酒工張進善醞因以姓名稱之後又有梁永
張瓊之名大中祥符二年止名法糯以京朝官一人三
班內侍二人監門以三班內侍二人監門匠十九人兵

校百三十九人掌庫十四人

真宗咸平二年九月詔

內酒坊法酒庫支暴酒以九月一日煮酒以四月一日

景德二年二月詔諸班軍人員旬酒部役軍員酒迴

軍酒並內酒坊支給

大中祥符二年七月內酒坊言

舊所醞糯酒皆以工匠為名如張進戚美之類人既換

易名亦隨改詔自今更二名並以法糯為號

仁宗天

聖五年九月詔三司自今內酒坊造酒支七分新米三

分陳米只依孟贇朱貴酒樣鈐轄醞造贇等各遷一資

元豐二年八月二十三日太常寺言奉詔祠祭以法

酒庫內酒坊酒實諸尊壘以代五齊三酒今法酒庫酒

曰供御曰祠祭曰常供內酒坊酒曰法糯曰糯酒曰常

料各三等糯酒常料酒止給諸軍吏史工技人以奉天地宗廟社稷恐非致恭盡物之義乞止以三法酒及法糯酒奉祠祭從之

宋會要東西作坊

掌造兵器戎具旗幟油衣藤漆什器之物以給邦國之用各以京朝官諸司使副內侍二人監內侍各二人監門其作總五十一有木作杖鼓作藤蓆作鏢子作竹作漆作馬甲作大弩作條作機作胡鞍作油衣作馬甲生葉作打繩作漆衣甲作劍作糊粘作戎具作搗素作雕木作蠟燭作地衣作鐵甲作釘釵作鐵身作馬甲造熟作磨劍作皮甲作釘頭竿作銅作弩搥作釘弩搥紅破

皮作針作漆器作畫作鐵擺作網甲作柔甲作大爐作
小爐作器械作錯磨作槌作鱗子作銀作打線作打磨
線作槍作角作鍋砲作磨頭牟作舊名南北作坊並在
興國坊南坊兵校及匠三千七百四十一人北兵校
及匠四千一百九十八人熙寧中改今名太祖開寶九
年九月詔分作坊為南北作坊真宗太中祥符三年
十二月詔作坊弓弩造箭院今後除內中及二司等處
抽差人匠更不收二限外其餘諸司庫務抽取人匠即
令相度所造名件數目勒人匠計定功限供申到坊上
簿拘管才候限滿日盡時抽下仁宗天聖二年五月
三司言南北作坊準宣製造內中并諸處物色乞自今

並各令置簿主管勒合干作分計料申支候請到作坊
點檢元請數足入庫封鎖逐旋支付人匠內金銀細色
並當日晚却點稱元數權入庫收附次日復支付造成
名件亦便勾收入庫或即日送納逐時計會取索憑由
於月帳內除破務令整齊及帳目憑由各無差互監官
專副得替並須點檢造作未了名件及見在物料數目
歸省如有少欠申省根勘不得蓋庇只憑文字交數若
不明白干繫人等並以違制斷罪仍乞自今有傳宣并
急速生活其合係申請物料並須當日或次日具細料
實封申省支給省案亦如限支遣從之八年八月詔修
內司見管燈毬一作人匠物色並撥與南北作坊收管

自今逐節作坊製造一應人匠諸處抽取更不發遣從
之慶厯二年六月省南改作坊監官各一員 神宗熙
寧三年六月二十三日權三司使公事吳充言準降到
南作坊地圖一本今依此修葺欲再陳奏詔令依已得
旨揮計料施行初上欲創東西府遣中人度北作坊為
之而并北作坊於南十二月十三日詔改南北作坊為
東西作坊其使副名額亦然六年七月二十八日將作
監言以捧日左第三軍第三指揮營屋為西作坊從之
先是軍器置監於舊西作坊故也七年六月軍器監言
東西作坊並係權移於舊基地內屋宇窄隘盛暑之際
人所不堪乞每坊於廳前各創造涼棚一十五間從之

宋會要

作坊物料庫在汴陽坊掌鐵木鈇錫羽箭籜油蠟葦石
矢錠麻布毛漆朱等料給作坊之用以京朝官內侍三
人監舊三庫景德元年合為一太宗淳化元年十二
月詔作坊物料庫所支弓弩院造箭庫逐料箭籜並令
逐作預差人赴庫揀選候數足令監造使臣分僻造作
如損裂不堪據數迴換自今三司不得將閑雜破損不
係軍器物於物料庫送納仁宗天聖六年正月權三
司使范雍言作坊物料庫所受納翎毛經年蛀蝕河陝
諸州軍上京般請至彼皆不任用欲自今除在京合銷
要翎毛數目於向南出產軍置場收買送納外所有河

陝京東西五路州軍即令轉運司破損省錢收買應副使
用右本州軍不係出產即據數預先牒隣近出產州軍
及申轉運司收買應副從之 神宗熙寧七年九月二
十六日軍器監言作坊物料庫皮角四場庫自來諸處
取索應用官物並係本庫供送逐庫所管又少既妨支
納復有退換官物在外無從關防欲乞除在內造作依
舊供送外餘處並差人般請交領從之